

Na osnovu člana 82. stav (1) Zakona o osnovnom odgoju i obrazovanju – prečišćeni tekst („Službene novine Tuzlanskog kantona“, broj: 10/20, 8/21, 11/21, 22/21, 5/22, 10/22, 11/22 i 12/23) i člana 101. stav (1) Zakona o srednjem obrazovanju i odgoju – prečišćeni tekst („Službene novine Tuzlanskog kantona“, broj: 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23) Ministarstvo obrazovanja i nauke Tuzlanskog kantona (u daljem tekstu: Ministarstvo), raspisuje

KONKURS
za prijem u radni odnos zaposlenika u osnovnim i srednjim školama
Tuzlanskog kantona

- 1. JU Osnovna škola „Banovići“ Banovići**
 - 1.1. Saradnik za ekonomsko-finansijske poslove, 1 izvršilac, puno radno vrijeme, na određeno vrijeme, do povratka zaposlenika sa bolovanja.
- 2. JU Osnovna škola „Džakule“ Džakule, Gračanica**
 - 2.1. Sekretar, 1 izvršilac, puno radno vrijeme, na određeno vrijeme, do povratka zaposlenika sa funkcije.
- 3. JU Osnovna škola „Hasan Kikić“ Gračanica**
 - 3.1. Saradnik za ekonomsko-finansijske poslove, 1 izvršilac, puno radno vrijeme, na određeno vrijeme, do povratka zaposlenika sa neplaćenog odsustva.
- 4. JU Osnovna škola „Poljice“ Poljice, Lukavac**
 - 4.1. Sekretar, 1 izvršilac, puno radno vrijeme, na određeno vrijeme, do povratka zaposlenika sa bolovanja.
- 5. JU Osnovna škola „Teočak“ Teočak**
 - 5.1. Sekretar, 1 izvršilac, puno radno vrijeme, na određeno vrijeme, do povratka zaposlenika sa bolovanja.
- 6. Centar za obrazovanje i vaspitanje i rehabilitaciju slušanja i govora Tuzla**
 - 6.1. Saradnik za ekonomsko-finansijske poslove, 1 izvršilac, 50% radnog vremena, na određeno vrijeme, do povratka zaposlenika sa bolovanja.
- 7. JU Osnovna škola „Gornja Tuzla“ Gornja Tuzla, Tuzla**
 - 7.1. Saradnik za ekonomsko-finansijske poslove, 1 izvršilac, 50% radnog vremena, na određeno vrijeme, do povratka zaposlenika sa bolovanja.
- 8. JU Osnovna škola „Lipnica“ Lipnica, Tuzla**
 - 8.1. Saradnik za ekonomsko-finansijske poslove, 1 izvršilac, 50% radnog vremena, na određeno vrijeme.
- 9. JU Osnovna škola „Višća“ Višća, Živinice**
 - 9.1. Sekretar, 1 izvršilac, puno radno vrijeme, na određeno vrijeme, do povratka zaposlenika sa bolovanja – porodijskog odsustva.
- 10. JU Mješovita srednja škola Kalesija**
 - 10.1. Sekretar, 1 izvršilac, puno radno vrijeme, na neodređeno vrijeme.
- 11. JU Mješovita srednja škola „Musa Ćazim Ćatić“, Kladanj**
 - 11.1. Saradnik za ekonomsko-finansijske poslove, 1 izvršilac, 50% radnog vremena, na određeno vrijeme, do povratka zaposlenika sa porodijskog odsustva.
- 12. JU Mješovita srednja elektrotehnička škola Tuzla**
 - 12.1. Saradnik za ekonomsko-finansijske poslove, 1 izvršilac, puno radno vrijeme, na određeno vrijeme.
- 13. JU Gimnazija Živinice**
 - 13.1. Saradnik za ekonomsko-finansijske poslove, 1 izvršilac, 50% radnog vremena, na određeno vrijeme, do povratka zaposlenika sa bolovanja.

Na upražnjena radna mjesta po raspisanom konkursu na određeno vrijeme primit će se zaposlenici najduže do 31.08.2025. godine uključujući i pripadajući godišnji odmor u skladu sa zakonom i kolektivnim ugovorom.

Popunjavanje upražnjenih radnih mjesta:

1. Pored općih uslova (opća radna i zdravstvena sposobnost), kandidat za radno mjesto dužan je ispunjavati i posebne uslove, odnosno dužan je posjedovati:
 - a) odgovarajuću stručnu spremu za radno mjesto na koje se prijavljuje (u skladu sa zakonom i pedagoškim standardima i normativima),
 - b) položen odgovarajući stručni ispit u skladu sa pedagoškim standardima i normativima,
 - c) odgovarajuće radno iskustvo u struci (odnosi se na kandidate koji se prijavljuju na radno mjesto saradnika za ekonomsko-finansijske poslove).

Kandidat za zasnivanje radnog odnosa obavezan je dostaviti odgovarajuću dokumentaciju (u daljem tekstu: obavezna dokumentacija), i to:

a) prijavu na radno mjesto za koje se prijavljuje na odgovarajućem prijavnom obrascu propisanom Pravilnikom o uslovima, kriterijima i postupku zapošljavanja u javnim ustanovama osnovnog i srednjeg obrazovanja na području Tuzlanskog kantona ("Službene novine TK", broj: 17/17, 1/18, 15/22, 12/23 i 5/24, broj: 10/1-02-018360/24 i broj: 10/1-34-041010/24 u daljem tekstu: Pravilnik), a koji se može preuzeti na veb stranici www.montk.gov.ba (dostavljaju svi kandidati),

b) dokaz o završenom obrazovanju (dostavljaju svi kandidati),

c) uvjerenje o položenom odgovarajućem stručnom ispitu ili rješenje o priznavanju oslobođanja od obaveze polaganja odgovarajućeg stručnog ispita (ukoliko je kandidatu priznato pravo kojim se oslobađa od obaveze polaganja odgovarajućeg stručnog ispita) – dostavljaju kandidati koji se prijavljuju na radna mjesta: Sekretar i Saradnik za ekonomsko-finansijske poslove.

d) potvrdu o radnom iskustvu u struci (dostavljaju kandidati koji se prijavljuju na radno mjesto Saradnik za ekonomsko-finansijske poslove).

Pravo na bodovanje po osnovu pripadnosti nekoj od kategorija branitelja ostvaruje kandidat koji, pored obavezne dokumentacije, dostavi:

a) dokaz o pripadnosti kategoriji branitelja ili člana porodice branitelja u skladu sa članom 20. stav (2) tačke a) do g) Pravilnika,

b) uvjerenje službe za zapošljavanje da je nezaposlen i da se nalazi na evidenciji iste ili izjavu (ovjerenu od strane nadležnog organa uprave ili notara) da će, u slučaju da bude primljen u radni odnos na neku od pozicija predviđenih ovim javnim konkursom dostaviti uvjerenje službe za zapošljavanje, kojim se potvrđuje, da se u periodu do isticanja Konačne rang-liste, odnosno do 28.01.2025. godine, nalazio na evidenciji nezaposlenih lica. Primjer izjave se može preuzeti na veb stranici www.montk.gov.ba,

c) dokument kojim dokazuje odgovarajuće srodstvo sa licem po osnovu kojeg ostvaruje procentualno uvećanje ili dodatne bodove (dostavlja kandidat koji procentualno uvećanje ili dodatne bodove ostvaruje kao član porodice),

d) kopiju ovjerene izjave da mu radni odnos nije prestao njegovom krivicom, da po prestanku radnog odnosa nije ostvario pravo na otpremninu, odnosno da nije korisnik prava na porodičnu penziju.

Pravo na bodovanje po osnovu radne obaveze ostvaruje kandidat koji, pored obavezne dokumentacije, dostavi:

a) uvjerenje izdato od nadležnog organa za pitanje evidencija iz oblasti vojne obaveze kojim se potvrđuje raspoređivanje u radnu obavezu,

b) uvjerenje službe za zapošljavanje da je nezaposlen i da se nalazi na evidenciji iste ili izjavu (ovjerenu od strane nadležnog organa uprave ili notara) da će, u slučaju da bude primljen u radni odnos na neku od pozicija predviđenih ovim javnim konkursom dostaviti uvjerenje službe za zapošljavanje, kojim se potvrđuje, da se u periodu do isticanja Konačne rang-liste, odnosno do 28.01.2025. godine, nalazio na evidenciji nezaposlenih lica. Primjer izjave se može preuzeti na veb stranici www.montk.gov.ba,

c) uvjerenje/potvrda izdato od strane poslodavca kod kojeg je lice bilo raspoređeno u radnoj obavezi, a koje obavezno sadrži naznačen period u kojem je lice bilo raspoređeno u radnoj obavezi. U slučaju da je poslodavac prestao sa radom, uvjerenje/potvrdu nadležnog registarskog suda da je poslodavac kod kojeg je osoba bila raspoređena u radnu obavezu prestala sa radom i ovjerenu izjavu kandidata ili osobe koja je bila raspoređena u radnoj obavezi o činjenicama vezanim za naziv poslodavca, radno mjesto i period u kojem je osoba bila raspoređena u radnoj obavezi,

d) dokument kojim dokazuje odgovarajuće srodstvo sa roditeljem koji je bio angažovan u radnoj obavezi (dostavlja kandidat koji pravo na bodovanje po osnovu radne obaveze ostvaruje kao dijete lica koje je bilo angažovano u radnoj obavezi),

e) kopiju ovjerene izjave da mu radni odnos nije prestao njegovom krivicom, da po prestanku radnog odnosa nije ostvario pravo na otpremninu, odnosno da nije korisnik prava na porodičnu penziju.

Traženu dokumentaciju u originalu, ovjerenju ili neovjerenju kopiji, kandidat dostavlja neposredno na protokol škole ili preporučeno putem pošte (na adresu škole), u zatvorenoj kovrti, sa naznakom „Prijava na Konkurs za prijem u radni odnos zaposlenika u osnovnim i srednjim školama na području Tuzlanskog kantona“.

Liste kandidata iz člana 25. stav (5) Pravilnika, škole su dužne istaći na oglasnoj ploči škole najkasnije do 10. januara 2025. godine, naznačavajući vrijeme njihovog isticanja. Nezadovoljni kandidat može Komisiji za bodovanje u roku od 24 sata od momenta njihovog isticanja, podnijeti zahtjev za preispitivanje liste.

Test stručnog znanja za kandidate koji se prijavljuju za radno mjesto: Sekretar ili Saradnik za ekonomsko-finansijske poslove održat će se dana 14. januara 2025. godine, a vrijeme i mjesto održavanja istog objavit će se na veb stranici: www.montk.gov.ba, najkasnije do 13. januara 2025. godine. Kandidat koji ne pristupi testu stručnog znanja gubi pravo na učešće u daljnjoj konkursnoj proceduri. Prije pristupanja testu stručnog znanja kandidat je dužan potpisati pisanu izjavu o pristupanju na polaganje, koja obavezno sadrži naziv škole u koju se prijavio, broj lične karte i podatke o organu koji je izdao ličnu kartu i roku važenja iste.

Intervju sa kandidatima koji ispunjavaju potrebne uslove, odnosno kandidatima za radno mjesto Sekretar ili Saradnik za ekonomsko-finansijske poslove, koji su na testu stručnog znanja ostvarili bodovni minimum u skladu sa Pravilnikom, obaviti će se dana 17. januara 2025. godine, u periodu od 8 do 14 sati, u prostorijama škole u koju se kandidat prijavljuje. Prije provođenja postupka intervjuja, s ciljem utvrđivanja identiteta, kandidat je dužan

Komisiji za intervju predočiti važeću ličnu kartu, potpisati izjavu da je pristupio intervjuu, a pored potpisa upisati broj lične karte, te podatke o organu koji je izdao ličnu kartu i roku važenja iste. Kandidat koji ne pristupi intervjuu gubi pravo učešća u daljnjoj konkursnoj proceduri.

Rang-liste iz člana 29. Pravilnika škole su dužne istaći dana 21. januara 2025. godine – najkasnije do 16 sati, na vidnom mjestu na ulazu u školu.

Kandidat koji je nezadovoljan rang-listom, u roku od tri dana od dana njenog isticanja, protiv iste može izjaviti prigovor školskom odboru, s tim da se dan isticanja rang-liste ne računa u ovaj rok.

Konačnu rang-listu iz člana 34. Pravilnika škola je dužna istaći na vidnom mjestu na ulazu u školu, dana 28. januara 2025. godine do 16 sati.

U roku od dva radna dana od dana isticanja odluke o izboru prvorangiranog kandidata, direktor škole i izabrani kandidat dužni su zaključiti ugovor o radu, te je, u istom roku, izabrani prvorangirani kandidat dužan putem pisane izjave izjasniti se o prihvatanju ili odustajanju od zaključivanja ugovora o radu koja se dostavlja putem pošte ili neposredno na protokol škole ili putem e-maila (izjava koja se dostavlja putem e-maila mora biti skenirana i potpisana od strane kandidata).

Ukoliko se izabrani kandidat, u naprijed navedenom roku, ne izjasni o prihvatanju ili odustajanju od zaključivanja ugovora o radu, direktor škole ponudit će zaključivanje ugovora o radu sljedećem rangiranom kandidatu prema redoslijedu sa konačne rang-liste.

Ukoliko je prilikom prijavljivanja na ovaj konkurs traženu dokumentaciju dostavio u neovjerenoj kopiji, kandidat je dužan istu, prije zaključivanja ugovora o radu, dostaviti školi u originalu ili ovjerenoj kopiji. Pored gore navedene dokumentacije, kandidat je dužan, u originalu ili ovjerenoj kopiji, dostaviti i: ljekarsko uvjerenje ne starije od tri mjeseca, izvod iz matične knjige rođenih i uvjerenje o državljanstvu.

Pod ovjerenom kopijom podrazumijeva se dokumentacija ovjerena od strane nadležnog organa (općinska/gradska služba ili notar).

Kandidati, u svrhu dokazivanja ostvarivanja prava na bodovanje po osnovu pripadnosti nekoj od kategorija branitelja a vezano za dostavljanje dokumenta iz tačke c) Konkursa, kao i ostvarivanje prava bodovanja po osnovu radne obaveze iz tačke d) Konkursa, kao dokaz mogu dostaviti: izvod iz matične knjige rođenih kojim dokazuju srodstvo sa licem po osnovu koje ostvaruju procentualno uvećanje ili dodatne bodove kao članovi porodice ili uvjerenje naležne gradske/općinske službe nadležne za vođenje matične evidencije.

Na sva ostala pitanja koja eventualno nisu regulisana tekstem ovog konkursa neposredno se primjenjuju relevantne odredbe važećih propisa.

Prijave na konkurs sa traženom dokumentacijom kandidati mogu dostaviti najkasnije zaključno sa 06.01.2025. godine.

Nepotpune ili neblagovremene prijave neće se razmatrati.

Ministarstvo obrazovanja i nauke Tuzlanskog kantona